

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔԸ
«ՍԵՅՍՄԻԿ ՊԱՇՏՊԱՆՈՒԹՅԱՆ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ
ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Հոդված 1. «Սեյսմիկ պաշտպանություն մասին» Հայաստանի Հանրապետության օրենքի (այսուհետ՝ Օրենք) 3-րդ հոդվածում՝

- 1) վերնագրում «նպատակները» բառը փոխարինել «նպատակը և սկզբունքները» բառերով.
- 2) առաջին մասում «նպատակներն են՝» բառերը փոխարինել «նպատակն է՝» բառերով.
- 3) առաջին պարբերությունից հետո լրացնել հետևյալ բովանդակությամբ նոր նախադասություն՝ «Հայաստանի Հանրապետության բնակչության անվտանգության և պետության կայուն զարգացման մակարդակն ապահովող սեյսմիկ ռիսկի նվազեցումը»:

Այնուհետև ավելացնել հետևյալ բովանդակությամբ նոր պարբերություն՝ «Սեյսմիկ պաշտպանություն իրականացնելու հիմնական սկզբունքներն են՝»:

Հոդված 2. Օրենքի 4-րդ հոդվածում՝

- 1) առաջին մասում «պետական» բառից հետո լրացնել «համալիր» բառը.
- 2) չորրորդ մասում «կանխատեսումը» բառը փոխարինել «գնահատումը» բառով:

Հոդված 3. Օրենքի 5-րդ հոդվածի է) կետում հանել բուն փակագծի մեջ գրված բառերը:

Հոդված 4. Օրենքի 7-րդ հոդվածում՝ ե) կետից հետո լրացնել հետևյալ բովանդակությամբ երկու նոր «ե) 1.» և «ե) 2.» կետեր.

«ե) 1. սահմանում է շենքերի և շինությունների սեյսմիկ խոցելիության գնահատման կարգը.».

«ե) 2. սահմանում է տարբեր մասշտաբների սեյսմաշրջանացման քարտեզների հաստատման կարգը.»:

Հոդված 5. Օրենքի 8-րդ հոդվածում՝

- 1) գ) կետում «տարածքում» բառից հետո «սեյսմիկ ռիսկի նվազեցման բնագավառում տարվող աշխատանքները» բառերը փոխարինել «սեյսմիկ վտանգի, սեյսմիկ ռիսկի գնահատման և սեյսմիկ ռիսկի նվազեցման աշխատանքները.» բառերով.

- 2) ը) կետը շարադրել հետևյալ խմբագրությամբ.

«ը) համակարգում է սեյսմիկ պաշտպանության բնագավառում ծրագրերի կատարումը, տեսչական վերահսկողություն է իրականացնում սեյսմիկ ռիսկի նվազեցման պետական համալիր ծրագրով նախատեսված խնդիրների կատարման նկատմամբ.».

- 3) ը) կետից հետո լրացնել հետևյալ բովանդակությամբ նոր «ը) 1.» կետ.

«ը) 1. մասնակցում է հատուկ համալիր, ինչպես նաև համալիր փորձաքննության ենթակա քաղաքաշինական փաստաթղթերի համաձայնեցմանը.

- 4) թ) կետը շարադրել հետևյալ խմբագրությամբ.

«թ) բարձր սեյսմիկ վտանգի գոտիներում սեյսմիկ ռիսկի նվազեցման նպատակով իրականացնում է շենքերի և շինությունների սեյսմիկ խոցելիության օպերատիվ գնահատում.»:

Հոդված 6. Օրենքի 10-րդ հոդվածի առաջին մասում «սեյսմաշրջանացման» բառից առաջ լրացնել «տարբեր մասշտաբների» բառերը:

Հոդված 7. Օրենքի 12-րդ հոդվածում՝

- 1) առաջին մասում «մակերեսի» բառը փոխարինել «մակերևույթի» բառով.

- 2) երկրորդ մասում «սեյսմաշրջանացման» բառից հետո լրացնել «` ընդհանուր սեյսմիկ շրջանացման, մանրամասն սեյսմիկ շրջանացման, սեյսմամիկրոշրջանացման» բառերը.
- 3) չորրորդ մասում «համար» բառը փոխարինել «ժամանակ» բառով:
- 4) չորրորդ մասից հետո լրացնել նոր պարբերություն հետևյալ բովանդակությամբ.
«Սեյսմամիկրոշրջանացման քարտեզը հիմք է հանդիսանում բնակավայրերի գլխավոր հատակագծի մշակման համար: Բնակավայրերի գլխավոր հատակագծի մշակման համար կազմված սեյսմամիկրոշրջանացման քարտեզը չի կարող օգտագործվել կոնկրետ կառույցների նախագծային փաստաթղթերի ստեղծման համար:»:

Հոդված 8. Օրենքի 13-րդ հոդվածում`

- 1) երրորդ մասում «ցանցի» բառը փոխարինել «ցանցերի» բառով.
- 2) երրորդ մասում «տեղեկատվությունը,» բառից առաջ լրացնել «, բարձր վտանգի դեպքում» բառերը.
- 3) չորրորդ մասում «ստեղծման» բառից հետո լրացնել «և զարգացման» բառերը:

Հոդված 9. Օրենքի 14-րդ հոդվածի առաջին մասը շարադրել հետևյալ խմբագրությամբ.

«Սեյսմիկ ռիսկի գնահատումը ուժեղ երկրաշարժով պայմանավորված մարդկային, նյութական եւ այլ հնարավոր կորուստների գնահատումն է:»:

Հոդված 10. Օրենքի 16-րդ հոդվածի դ) կետում «բարձրացումը» բառից հետո լրացնել «` տարածքի սեյսմիկ վտանգի մակարդակին համապատասխան.» բառերը:

Հոդված 11. Օրենքի 17-րդ հոդվածի առաջին մասում «համակարգի» բառը փոխարինել «և ոչ պետական համակարգերի» բառերով:

Հոդված 12. Օրենքի 21-րդ հոդվածի առաջին մասում «նվազագույն կորուստների ապահովման» բառերը փոխարինել «կորուստները նվազեցնելու» բառերով:

ՏԵՂԵԿԱՆՔ

«ՍԵՅՍՄԻԿ ՊԱՇՏՊԱՆՈՒԹՅԱՆ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ
ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ՕՐԵՆՔԻ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ՊԵՏԱԿԱՆ
ԲՅՈՒՋԵՈՒՄ ԾԱԽՍԵՐԻ ԿԱՄ ԵԿԱՄՈՒՏՆԵՐԻ ՓՈՓՈԽՄԱՆ ԿԵՐԱԲԵՐՅԱԼ

Նախագծի ընդունումը բյուջեում փոփոխություններ կատարելու անհրաժեշտություն չի
արաջացնում:

ՏԵՂԵԿԱՆՔ

«ՍԵՅՍՄԻԿ ՊԱՇՏՊԱՆՈՒԹՅԱՆ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ
ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ՕՐԵՆՔԻ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄՔ ԱՅԼ
ԻՐԱՎԱԿԱՆ ԱԿՏԵՐՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ
ԱՆՀՐԱԺԵՇՏՈՒԹՅԱՆ ՄԱՍԻՆ

Նախագծի ընդունման կապակցությամբ այլ իրավական ակտերում լրացումներ և
փոփոխություններ կատարելու անհրաժեշտություն չի առաջանում:

ՏԵՂԵԿԱՆՔ – ՀԻՄՆԱՎՈՐՈՒՄ

**«ՍԵՅՍԱԽԿ ՊԱՇՏՊԱՆՈՒԹՅԱՆ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ
ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ՕՐԵՆՔԻ ՆԱԽԱԳԾԻ ՎԵՐԱԲԵՐՅԱԼ**

«Սեյսմիկ պաշտպանության մասին» Հայաստանի Հանրապետության օրենքում փոփոխություններ և լրացումներ կատարելու մասին» Հայաստանի Հանրապետության օրենքի նախագծի մշակումը հիմնավորվում է ՀՀ կառավարության 2007 թվականի նոյեմբերի 29-ի «Հայաստանի Հանրապետության կառավարության 2009 թվականի գործունեության միջոցառումների ծրագիրը և գերակա խնդիրները հաստատելու մասին» N 40-Ն որոշման թիվ 1 հավելվածի 37-րդ կետի պահանջով: Այն նպատակ ունի հստակեցնել «Սեյսմիկ պաշտպանության մասին» Հայաստանի Հանրապետության օրենքի մի շարք հասկացություններ և դրույթներ:

ՀԻՄՆԱՎՈՐՈՒՄՆԵՐ

«ՍԵՅՍՄԻԿ ՊԱՇՏՊԱՆՈՒԹՅԱՆ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔԻ ՆԱԽԱԳԾԻ ԼՐԱՑՈՒՄՆԵՐԻ ԵՎ ՓՈՓՈԽՈՒԹՅՈՒՆՆԵՐԻ ՎԵՐԱԲԵՐՅԱԼ

1. Հոդված 1-ում փոփոխությունը կատարվում է օրենքի գործող տարբերակում առկա «նպատակ» և «սկզբունք» հասկացությունների հետ կապված անհամապատասխանությունը շտկելու նպատակով:
2. Հոդված 2-ում`
 - 1) կետի լրացումը կատարվել է` նշելու համար, որ պետական ծրագիրն իր բնույթով համալիր է.
 - 2) կետի փոփոխությունը կատարվել է` նկատի ունենալով, որ կանխատեսման ապահովումը գիտականորեն հիմնավորված չէ. խոսքը հավանականային վտանգի կանխատեսմանը` գնահատմանն է վերաբերում:
3. Հոդված 3-ում փոփոխությունը կատարվում է կենսաապահովման գծերի ցանկը չսահմանափակելու նկատառումով:
4. Հոդված 4-ում լրացումները կատարվում են` նկատի ունենալով, որ Օրենքի 8-րդ հոդվածով նախատեսված լիազորությունները` լիազոր մարմնի կողմից մշակման, համակարգման, հաստատման, պատասխանատվության, կազմակերպման, մասնակցության դրույթները սահմանվում են ավելի բարձր իրավական ակտով:
5. Հոդված 5-ում լրացումները կատարվում են`
 - 1) նկատի ունենալով, որ սեյսմիկ վտանգի և սեյսմիկ ռիսկի գնահատումները սեյսմիկ ռիսկի նվազեցմանն ուղղված կարևոր միջոցառումներն են` Օրենքի հոդված 15 ա) ենթակետի և հոդված 16 ա) և բ) ենթակետերի հետևությամբ.
 - 2) օրենքում նշված «համակարգում և վերահսկում է սեյսմիկ պաշտպանության բնագավառում պետական ծրագրերի իրականացումը» վերահսկման մեխանիզմներ չի մատնանշում: Սեյսմիկ ռիսկի նվազեցման պետական համալիր ծրագրով նախատեսված խնդիրների կատարման նկատմամբ տեսչական վերահսկողությունը կարող է լինել առարկայական և առավել արդյունավետ.
 - 3) լրացումը պայմանավորված է Օրենքի 16-րդ հոդվածի գ) ենթակետի պահանջի առարկայացման անհրաժեշտությունից, ինչպես նաև համալիր փորձաքննության ենթակա քաղաքաշինական փաստաթղթերի կազմում ներկայացվող` սեյսմիկ վտանգին վերաբերող նյութերը սեյսմիկ պաշտպանության ոլորտի լիազոր մարմնին պարտադիր հաստատման ներկայացնելու անհրաժեշտությամբ:
 - 4) նոր խմբագրությունը պայմանավորված է աշխատանքների իրականացման նեղմասնագիտական բնույթի և խոցելիության գնահատման ոլորտի` «սեյսմիկ խոցելիության», մատնանշման անհրաժեշտությամբ:
6. Հոդված 6-ում լրացումը պայմանավորված է սեյսմաշրջանացման բոլոր մասշտաբների աշխատանքների մատնանշման անհրաժեշտությամբ (տես նաև հոդված 7-ի 2) կետի լրացումը):
7. Հոդված 7-ում`
 - 1) ե) ենթակետի փոփոխությունը պայմանավորված է իմաստով ստույգ բառի օգտագործման անհրաժեշտությամբ.
 - 2) ե) ենթակետի լրացումը պայմանավորված է սեյսմաշրջանացման աշխատանքների տեսակների թվարկման անհրաժեշտությամբ.
 - 3) կետի փոփոխությունը պայմանավորված է բառի իմաստային համապատասխանությամբ.
8. Հոդված 8-ում`
 - 1) կետի փոփոխությունը կատարվում է` նկատի ունենալով գլոբալ ցանցերի հոգնակիությունը.

- 2) կետի լրացումը պայմանավորված է միայն «բարձր վտանգի դեպքում» տեղեկատվության տրամադրման անհրաժեշտությամբ.
 - 3) կետի լրացումը ենթադրում է, որ գոյություն ունեցող ցանցի սարքերը և սարքավորումները անընդհատ և անխափան չեն կարող աշխատել. 1) անհրաժեշտություն կարող է առաջանալ դիտակայանների ֆիզիկապես և բարոյապես մաշված սարքերը և սարքավորումները արդիականացնելու, փոխարինելու նորերով, դիտարկումներ կատարել նոր եղանակներով և նորագույն սարքավորումներով. 2) ժամանակի ընթացքում դիտակայանները կարող են կոնսերվացվել, լուծարվել, ստեղծվել նորերը:
9. Հոդված 9-ում նոր խմբագրությունը նկատի ունի, որ «հնարավոր կորուստները» կարելի է ինչ-որ հավանականությամբ կանխատեսել, այս դեպքում ճիշտ է օգտագործել «գնահատել» բառը:
10. Հոդված 10-ում լրացումը կատարվել է, նկատի ունենալով, որ սեյսմակայունության բարձրացումը ինքնանպատակ չէ, այլ նկատի է առնվում տարածքի սեյսմիկ վտանգի որոշակի մակարդակ:
11. Հոդված 11-ում փոփոխությունը պայմանավորված է նրանով, որ «բնակչության իրազեկության և պատրաստվածության բարձրացումը» կարելի է ապահովել ինչպես ուսուցման պետական, այնպես էլ ոչ պետական համակարգի միջոցով:
12. Հոդված 12-ում փոփոխությունը կատարվել է՝ նկատի ունենալով, որ «արագ արձագանքման համակարգը» չի կարող «նվազագույն կորուստներ ապահովել», այլ կարող է «կորուստները նվազագույնի հասցնել»:

ՆԱԽԱԳԾԻ ՄՇԱԿՄԱՆ ՀԵՂԻՆԱԿԱՅԻՆ ԽՈՒՄԲԸ

Նախագիծը մշակել են «ՍՊԱԾ» գործակալության համակարգի հետևյալ աշխատակիցները՝ Ա. Անտոնյանը, Հ. Պետրոսյանը, Ռ. Բաղդասարյանը, Ս. Նազարեթյանը, Ա. Թովմասյանը, Մ. Ենանովը, Գ. Նամայանը, Հ. Հակոբյանը:

ԱՄՓՈՓԱԹԵՐԹ

**«ՍԵՅՍՄԻԿ ՊԱՇՏՊԱՆՈՒԹՅԱՆ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ
 ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ ՀԱՅԱՍՏԱՆԻ
 ՀԱՆՐԱՊԵՏՈՒԹՅԱՆ ՕՐԵՆՔԻ ՆԱԽԱԳԾԻ ԿԱՊԱԿՑՈՒԹՅԱՄԲ ՇԱՀԱԳՐԳԻՈ
 ՄԱՐՄԻՆՆԵՐԻ ԱՌԱՐԿՈՒԹՅՈՒՆՆԵՐԻ ԵՎ ԱՌԱՋԱՐԿՈՒԹՅՈՒՆՆԵՐԻ ՎԵՐԱԲԵՐՅԱԼ**

h/h	Առարկության հեղինակը, առաջարկության ստացման ամսաթիվը	Առարկության բովանդակությունը	Եզրակացություն
1	2	3	4
1.	1. ՀՀ քաղաքաշինության նախարարություն 20.02.2009թ. N ՔՆ-26/543.	1. 1. Նախագծի տեքստից հանել հոդված 4-ը, քանի որ «շենքերի խոցելիությունը» ԱՊՀ և այլ սեյսմակայուն շինարարության առաջատար երկրների նորմատիվատեխնիկական փաստաթղթերում ամրագրված, տեխնիկական առումով կանոնակարգված և չափելի հասկացություն չէ: Շիննորմերում և այլ տեխնիկական փաստաթղթերում ընդունված են «սեյսմակայունություն», իսկ վերակառուցվող շենքերի համար նաև «սեյսմազինվածություն» հասկացությունները: Այս առումով շենքերի և շինությունների սեյսմիկ ազդեցություններին դիմակայելու խնդիրները ներկայումս անհրաժեշտ մակարդակով կանոնակարգված են և նման «կարգ»-ի սահմանումը կրեթի գործառույթների անցանկալի կըրկության և շենքերի տեխնիկական վիճակի վերաբերյալ տեղեկատվական բազայի մասնատման:	1. Չի ընդունվում, քանի որ «Սեյսմիկ պաշտպանության մասին» ՀՀ օրենքի 2-րդ հոդվածի ժ) կետով սահմանված է՝ «շենքերի և շինությունների խոցելիության գնահատում» հասկացություն, այն է՝ շենքերի, շինությունների վարքի կանխատեսում ուժեղ երկրաշարժի դեպքում: Այն, որ 1988թ. հետո Հայաստանի Հանրապետությունում սեյսմիկ պայմանները փոխվել են, անհրաժեշտություն է առաջացնում գնահատել ոչ միայն շենքերի տեխնիկական վիճակը, այլև դրանց սեյսմիկ խոցելիության մակարդակը: Սեյսմիկ ռիսկի նվազեցմանն ուղղված միջոցառումների առաջին փուլ է հանդիսանում սեյսմիկ պաշտպանության բնագավառում հատուկ, կարևոր և ընդհանուր նշանակության օբյեկտների սեյսմիկ խոցելիության մակարդակի գնահատումը («Սեյսմիկ պաշտպանության

	<p>• Ինչ վերաբերում է տարբեր մասշտաբների սեյսմաշրջանացման քարտեզների հաստատման կարգին, ապա այն կարող է սահմանվել միայն իրավասու կազմակերպությունների հետ համատեղ:</p> <p>2. Հոդված 5-ի 3-րդ կետը շարադրել առանց «տեսչական» բառի, քանի որ քաղաքաշինության բնագավառում տեսչական վերահսկողությունը վերապահված է բնագավառի լիազոր մարմնի՝ ՀՀ քաղաքաշինության նախարարության քաղաքաշինական պետական տեսչությանը:</p> <p>3. Հոդված 5-ի 4-րդ կետի «ը¹» ենթակետն անհրաժեշտ է նախագծի տեքստից հանել, քանի որ Հայաստանի Հանրապետությունում շենքերի և շինությունների նախագծման, շինարարության և շահագործման ընթացքում պետական վերահսկողությունը, համաձայն գործող օրենքների, նույնպես իրականացվում է քաղաքաշինության բնագավառի լիազոր մարմնի՝ ՀՀ քաղաքաշինության նախարարության քաղաքաշինական պետական տեսչության միջոցով:</p> <p>• Ինչ վերաբերում է հատուկ համալիր, ինչպես նաև համալիր փորձաքննության ենթակա քաղաքաշինական փաստաթղթերի հաստատման գործընթացին</p>	<p>մասին» ՀՀ օրենք, հոդվածներ 8-ի «գ» կետ, 16-ի «բ», «գ» կետեր): Այն հաշվի է առնում մի շարք արտասահմանյան կազմակերպություններ ի նմանատիպ փաստաթղթերի կազմման փորձը: (ԵՎրոկոդ-08, EUROС-08 code):</p> <p>• Չի ընդունվում, քանի որ այն «Սեյսմիկ պաշտպանության մասին» ՀՀ օրենքի պահանջ է. «Սեյսմամիկրոշրջանացման քարտեզների հաստատման կարգը» հաստատվել է ՀՀ կառավարության 19.10.2006թ. N 1581-Ն որոշմամբ:</p> <p>2. Չի ընդունվում, քանի որ խոսքն այս դեպքում ոչ թե քաղաքաշինության բնագավառի, այլ արտակարգ իրավիճակներից տարածքների և բնակչության պաշտպանության բնագավառը՝ սեյսմիկ պաշտպանության ոլորտն է նկատի առնվում:</p> <p>3. Ընդունվում է, նախագծի լրամշակված տարբերակում հանված է հոդվածի 4 –րդ մասի ը) 1 կետը, համապատասխանաբար փոխվել է մասերի համարակալումը:</p> <p>• Չի ընդունվում, ՀՀ օրենսդրության պահանջ է հատուկ համալիր, համալիր</p>
--	--	---

	<p>մասնակցությանը, ապա այն արդեն իսկ կանոնակարգված է ՀՀ կառավարության 02.02.2002թ. N 96 որոշմամբ հաստատված քաղաքաշինական փաստաթղթերի փորձաքննության կարգով:</p> <ul style="list-style-type: none"> • Վերը նշված առաջարկությամբ պայմանավորված «ը²)» ենթակետը ներկայացնել հետևյալ բովանդակությամբ՝ «մասնակցում է քաղաքաշինական ծրագրային փաստաթղթերի համաձայնեցմանը»: <p>4. Վերախմբագրել հոդված 5-ի «թ») ենթակետը, դրանից հանելով «բարձր սեյսմիկ վտանգի գոտիներում» արտահայտությունը՝ հաշվի առնելով այն հանգամանքը, որ Հայաստանի Հանրապետության ողջ տարածքը գտնվում է բարձր սեյսմիկ ակտիվության գոտում:</p> <p>5. Հոդված 7-ի 4-րդ կետում առաջարկվող պարբերությունն անհրաժեշտ ենք գտնում վերախմբագրել հետևյալ բովանդակությամբ՝ «Բնակավայրերի գլխավոր հատակագծի մշակման համար կազմված սեյսմամիկոշրջանացման քարտեզի կամայական գրունտի սպասվելիք հորիզոնական արագացման մեծությունը չի կարող լինել ավելի փոքր, քան սեյսմակայուն շինարարության նախագծման նորմերով տվյալ սեյսմիկ գոտու համար ընդունված մեծությունը:</p>	<p>փորձաքննության ենթակա, ինչպես նաև գոտիավորման և քաղաքաշինական ծրագրային փաստաթղթերի կազմման ժամանակ սեյսմիկ գոտիավորման քարտեզների մշակումը, իսկ Օրենքի պահանջ է այդ քարտեզների հաստատումը սեյսմիկ պաշտպանության ոլորտի լիազոր մարմնի կողմից:</p> <ul style="list-style-type: none"> • Ընդունվում է, նոր խմբագրված «ը) 1» ենթակետում «հաստատմանը» բառը փոխարինվել է «համաձայնեցմանը» բառով: <p>4. Չի ընդունվում. Հայաստանի Հանրապետության ողջ տարածքը գտնվելով բարձր սեյսմիկ ակտիվության գոտում, ներառում է բարձր, միջին և համեմատաբար ցածր սեյսմիկ վտանգի գոտիներ:</p> <p>5. Ընդունվում է մտնա - կի, քանի որ սեյսմամիկ-րոշրջանացման քարտեզում գրունտի սպասվելիք հորիզոնական արագացման մեծությունը կոնկրետ չափվող և հաշվարկվող մեծություն է և չի կարող ընդունվել կամայականորեն: Միաժամանակ հոդված 7-ի 4-րդ կետում հանվել է «Շենքերի և շինությունների նախագծային սեյսմակայունությունը չի կարող լինել ավելի ցածր, քան տվյալ տարածքի սեյսմամիկ-</p>
--	--	--

		<p>• Սեյսմակայուն շինարարության գործող նորմերով շենքերի և շինությունների նախագծման համար սեյսմամիկրոշրջանացում չի նախատեսվում, բացառությամբ առավել պատասխանատու տրանսպորտային և հիդրոտեխնիկական կառույցների: Եթե բնակավայրի գլխավոր հատակագծի համար անհրաժեշտ է ունենալ սեյսմամիկրոշրջանացման քարտեզ, ապա այն պետք է կազմել միայն գործող նորմերի պահանջներին համապատասխան՝ չփոխելով տվյալ սեյսմիկ գոտու համար նախատեսված արագացման արժեքը և գրունտների կարգի հաշվառման գործակիցները»:</p>	<p>րոշրջանացման քարտեզում արտահայտված սեյսմիկ վտանգի մակարդակը:» նախադասությունը: • Չի ընդունվում, ՀՀ օրենսդրության համաձայն սեյսմամիկրոշրջանացում է նախատեսվում հատուկ համալիր, համալիր փորձաքննության ենթակա, ինչպես նաև գոտիավորման և քաղաքաշինական ծրագրային փաստաթղթերի կազմման ժամանակ, այն կազմվում է միայն գործող իրավական ակտերի՝ «Սեյսմամիկրոշրջանացման աշխատանքների իրականացման կարգը» հաստատելու մասին ՀՀ քաղաքաշինության նախարարի 28.06.2007թ. N 45 և ՀՀ տարածքային կառավարման նախարարի 11. 07. 2007թ. N 08 –Ն համատեղ հրամանով հաստատված պահանջներին համապատասխան:</p>
2.	2. ՀՀ Արդարադատության նախարարություն 17.03.2009թ. Ե 1385	1. Նախագծի 1-ին հոդվածում անհրաժեշտ է նշել օրենքի լրիվ անվանումը, որտեղ կատարվում է լրացումներն ու փոփոխությունները՝ ելնելով «Իրավական ակտերի մասին» Հայաստանի Հանրապետության օրենքի 40 –րդ հոդվածի 1 –ին մասի պահանջներից: Բացի այդ, նախագծի 1 –ին հոդվածի 2) – րդ մասում, 2 –րդ, 6 –րդ, 7 –րդ, 8 –րդ, 9 –րդ, 11 –րդ և 12 –րդ հոդվածներում «պարբերությունում» բառերն անհրաժեշտ է փոխարինել «մասում» բառերով, իսկ 1 –ին հոդվածի 3) –րդ մասում, 3 –րդ, 4 –րդ, 5 –րդ և 10 –րդ հոդվածներում «ենթակետում» բառերը փոխարինել «կետում» բառերով՝ նկատի ունենալով «Իրավական ակտերի մասին» Հայաստանի	1. Ընդունվում է, նախագծի նշված հոդվածներում կատարվել են համապատասխան փոփոխություններ:

	<p>Հանրապետության օրենքի 41 –րդ հոդվածի 3 –րդ մասի պահանջները:</p> <p>2. Նախագծի համարակալումն անհրաժեշտ է համապատասխանեցնել «Իրավական ատերի մասին» Հայաստանի Հանրապետության օրենքի 41 –րդ հոդվածի 3 –րդ մասի պահանջներին:</p> <p>3. Նախագծի 3 –րդ հոդվածում «փակագծում գրված» բառերն անհրաժեշտ է փոխարինել բուն փակագծի մեջ գրված բառերով:</p> <p>Միաժամանակ հայտնում ենք, որ նույն հոդվածը խմբագրման կարիք ունի, մասնավորապես՝ այն չի բխում «Իրավական ատերի մասին» Հայաստանի Հանրապետության օրենքի 45 –րդ հոդվածի 7 –րդ մասի պահանջներից, որոնց համաձայն՝ «իրավական ակտի բաժինների, գլուխների, մասերի, կետերի, ենթակետերի կամ պարբերությունների միջև համապատասխանաբար նոր բաժին, գլուխ, հոդված, մաս, կետ, ենթակետ կամ պարբերություն կարող է լրացվել միայն լրացուցիչ համարով», այլ ոչ թե «արիմով»:</p> <p>Այդ առումով լրացվող նոր կետերն անհրաժեշտ է համարակալել հետևյալ կերպ՝ «ե) 1» և «ե) 2»: նույն դիտողությունը վերաբերում է նաև 5 –րդ հոդվածի 4) –րդ կետին:</p> <p>4. Նախագծի 4 –րդ հոդվածում «ավելացնել» բառն անհրաժեշտ է փոխարինել «լրացնել» բառով՝ նկատի ունենալով «Իրավական ատերի մասին» Հայաստանի Հանրապետության օրենքի 70 –րդ հոդվածի 3 –րդ մասի պահանջները: Նույն դիտողությունը վերաբերում է նաև նախագծի 5 –րդ հոդվածի 2 –րդ և 4 –րդ մասերին, ինչպես նաև 7 –րդ հոդվածի 4 –րդ մասին:</p> <p>5. նախագծի 6 –րդ հոդվածը խմբագրման կարիք ունի, մասնավորապես, հոդվածի շարադրանքից պարզ չէ, թե կոնկրետ 10 –րդ հոդվածի որ մասում է կատարվում փոփոխությունը և արդյոք այն փոփոխություն, թե լրացում է:</p>	<p>2. Ընդունվում է, կատարվել են համապատասխան փոփոխություններ:</p> <p>3. Ընդունվում է, նախագծի նշված հոդվածներում կատարվել են համապատասխան փոփոխություններ:</p> <p>4. Ընդունվում է, նախագծի նշված հոդվածներում կատարվել են համապատասխան փոփոխություններ:</p> <p>5. Չի ընդունվում, քանի որ հոդված 6.-ում կոնկրետ նշված է. «Օրենքի 10-րդ հոդվածի առաջին մասում «սեյսմաշրջանացման» բառից առաջ լրացնել «տարբեր մասշտաբների» բառերը: Հոդված 6-ում լրացումը պայմանավորված է սեյսմաշրջանացման բոլոր մասշտաբների աշխատանքների</p>
--	--	--

	<p>6. Նախագծի 5 –րդ հոդվածում՝</p> <p>ա) 2 –րդ մասի անհրաժեշտությունը չկա, քանի որ «կազմակերպումը» արդեն իր մեջ ներառում է բոլոր անհրաժեշտ աշխատանքների, գործառույթների կատարումը, ուստիև պարզ չէ, թե «համակարգումը» իր մեջ ուրիշ ինչպիսի գործառույթներ է նախատեսելու:</p> <p>բ) 3 –րդ մասի վերաբերյալ հայտնում ենք, որ «Սեյսմիկ պաշտպանության մասին» Հայաստանի Հանրապետության օրենքի (այսուհետ՝ օրենք) 8 –րդ հոդվածով սահմանվում սեյսմիկ պաշտպանության բնագավառում լիազորված մարմնի լիազորությունները, այլ ոչ թե նրա կառուցվածքային ստորաբաժանումների: Այլ խնդիր է, որ լիազոր մարմինը դրա կատարումը կարող է լիազորել տեսչությանը:</p> <p>գ) 4 –րդ մասի ը) 1-ին կետում շենքերի և շինությունների նախագծման, շինարարության և շահագործման ընթացքում խոցելիության նվազեցման միջոցառումների և պահանջների նկատմամբ պետական վերահսկողության սահմանումը որպես լիազորություն անընդունելի ենք համարում, քանի որ լիազորված մարմնի համար այն պետք է լինի ոչ թե լիազորություն, այլ գործունեության սկզբունք՝ ելնելով օրենքի 16 –րդ հոդվածի գ) կետի պահանջներից:</p> <p>դ) 4 –րդ մասի ը) 2 կետը դեկլարատիվ բնույթ ունի մասնավորապես՝ պարզ չէ, թե ինչ պետք է հասկանալ «մասնակցում է» հասկացության տակ, ինչպես է դրսևորվելու այն, ինչ իրավական հետևանքներ է առաջացնելու:</p>	<p>մատնանշման անհրաժեշտությամբ:</p> <p>6. Նախագծի 5 –րդ հոդվածում՝</p> <p>ա) Ընդունվում է, նախագծի լրամշակված տարբերակում հանված է հոդվածի 2 –րդ մասը, համապատասխանաբար փոխվել է մասերի համարակալումը:</p> <p>բ) Չի ընդունվում, քանի որ, նախագծում լիազորված մարմնի լիազորությունների, ոչ թե կառուցվածքային ստորաբաժանման լիազորությունների սահմանման մասին է: Նախագծի լրամշակված տարբերակում «հսկողություն» բառը փոխարինված է «վերահսկողություն» բառով:</p> <p>գ) Ընդունվում է, նախագծի լրամշակված տարբերակում հանված է հոդվածի 4 –րդ մասի ը) 1-ին կետը, համապատասխանաբար փոխվել է մասերի համարակալումը:</p> <p>դ) Չի ընդունվում, լրացումը պայմանավորված է Օրենքի 16-րդ հոդվածի գ) ենթակետի պահանջի առարկայացման անհրաժեշտությունից, ինչպես նաև համալիր փորձաքննության ենթակա քաղաքաշինական փաստաթղթերի կազմում ներկայացվող՝ սեյսմիկ վտանգին վերաբերող նյութերը սեյսմիկ պաշտպանու-</p>
--	---	---

		<p>ե) 5 –րդ մասի վերաբերյալ հայտնում ենք, որ պարզ չէ, թե ինչպես, ինչ ձևով է իրականացվելու շենքերի և շինությունների սեյսմիկ խոցելիության օպերատիվ գնահատումը: Այդ առումով գտնում ենք, որ անհրաժեշտ է սահմանել շենքերի և շինությունների սեյսմիկ խոցելիության օպերատիվ գնահատման կարգը:</p> <p>7. Նախագծի 7 –րդ հոդվածի 4 –րդ մասում անհասկանալի է, թե ինչու բնակավայրերի գլխավոր հատակագծի մշակման համար կազմված սեյսմամիկրոշրջանացման քարտեզը չի կարող օգտագործվել կոնկրետ կառույցների նախագծային փաստաթղթերի ստեղծման համար և օգտագործման դեպքում ինչ հետևանքներ կարող է այն առաջացնել:</p> <p>8. նախագծի 11–րդ հոդվածի ընդունումը անընդունելի ենք համարում, քանի որ պարզ չէ, թե որոնք են ոչ պետական համակարգերը:</p>	<p>թյան ոլորտի լիազոր մարմնին պարտադիր հաստատման ներկայացնելու անհրաժեշտությամբ:</p> <p>ե) Չի ընդունվում, շենքերի և շինությունների սեյսմիկ խոցելիության գնահատման կարգը կսահմանվի այլ իրավական ակտով:</p> <p>7. Կառույցների նախագծային փաստաթղթերի ստեղծման համար գրունտի առավելագույն հորիզոնական արագացումները որոշվում են քաղաքաշինական նորմերով, կոնկրետ կառույցի համար:</p> <p>8. Հոդված 11-ում փոփոխությունը պայմանավորված է նրանով, որ «բնակչության և պատրաստվածության բարձրացումը» կարելի է ապահովել ինչպես ուսուցման պետական, այնպես էլ ոչ պետական հաստատությունների միջոցով:</p>
3.	3. ՀՀ ֆինանսների նախարարություն	Դիտողություններ և առաջարկություններ չունի	-----